



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五一六

海雲堂詩鈔十四卷補遺一卷金粟香龕詞鈔二卷海雲堂文鈔一卷 嚴學淦撰

一

魯巖所學集十五卷魯巖交遊記一卷魯巖餘事稿二卷 張宗泰撰

一六九

愛日堂類稿十六卷首附王鍾杞南溪集一卷 王煦撰

四六三

捧月樓詩四卷 袁通撰

六〇七

硯壽堂詩鈔八卷附詩餘一卷硯壽堂詩續鈔二卷 吳存楷撰

六三七

海雲堂詩鈔

光緒壬辰
殊月重刊

重刊海雲堂詩文集叙

詩以言志文為心聲未有詩能沈
厚文能雄健而品行無足異學識
無足稱更未有事功無可表見者
唐宋以來如李杜如韓柳如韋白
如歐蘇道德氣節以事學問彪
叙

炳一時其人傳其文其詩亦與之
俱傳丹徒

嚴公麗生先生幼涉經史長遍
遨遊器識淵深局量宏遠抱負
才學經濟文章均習夫通乎人者
錢塘陳明府文述叙中已詳言之

迨以名孝廉試吏湘南歷膺繁劇
卓有政聲至今湘人士猶稱頌弗
衰其所為詩古文辭風骨道上
一官、集卓、可傳晚年手不釋
卷老而彌篤雖病榻之上猶摩書
滿列焉之藩焉公第三孫婿猶
叙 二

記依、總角時曾獲仰瞻丰采
我公一見刮目許為偉器嘗以
海雲堂全集見貽彼時之藩年
僅十四耳雖未敢言文言詩然心
竊好之公與先君子為多年同
寮志趣相投遂許聯姻惟公每

彰人前時稱道謂之藩非居人下
者自慙學業未精兩端愧莫依茲
綴羽咸豐初金陵以為賊踞更無
可進取因即往來戎馬間近更浮
沈一麾三十餘年毫無建樹未免
有負公之厚期焉之愧身至偶
叙 三

爾為詩為文雖未能稍得畦徑然
中自有我在不敢稍落他人窠臼如
公猶健在或者不當為其許之
後前凡得公海雲堂集者罔不
什襲藏之惜兵燹之餘全集強半
散失故更幸存公孫寶齡薄宦

楚北曾孫家駭幕遊西江重刊
力均未逮之藩泰附設未少時又
邀公青睞戚友中咸以重刊之
役非之藩莫屬余成之別駕一鼉
更疊幽催促爰取當年公所
手付者校對付之梓人庶片羽去

叙

四

光俾存公志而廣流傳乃刻未
及半適之藩奉檄調守吉州因
囑趙子熙廣文汝明隨時校字而增
刊之刻成後爰叙其顛末如此士
居仲秋濠州王之藩識於吉州郡
署之德善信齋



序

序

幼聞前輩論文勳言古今人不相及心竊疑之畦徑日開智慧日
生必將有大過於古人者而何以不及也吾友丹徒嚴子麗生秉
質穎異尤熟於史班馬以來二十餘家之紀載類能評其人物之
賢否其抱負有大過乎古人者生長江山形勢最勝處幼從宦蜀
中往來燕趙齊魯秦楚甘涼之交峩峩衡華間弗登也江河渭洛
間弗涉也其游覽有大過乎古人者當教匪不靖牙旗玉帳星羅
綦布尊南筠亭先生觀察川東君以貴公子往來兵戈戎馬間作
將軍揖客有傳修期上馬殺賊下馬作露布之風其經歷有大過
乎古人者以是發為歌詠宜其大過乎古人而非今人之所及也
嘉慶甲子乙丑間余與君均以鄉舉客京師時老輩若吳穀人楊
蓉裳法梧門張船山同人則姚春木吳蘭雪蔡澆賈周筠雲楊澆
香吳巢松汪竹素竹海查梅史許青士均在京師壇坫角立余以
奇才目君人無間言君詩於古人初入手喜青蓮昌谷繼出入韓
孟沉鬱處又近少陵近人則喜武進黃仲則謂其跳盪非古人所
有恒喜學之兼取胡稚威謂其堅凝不可及若其原本史傳自抒
偉論以卓越之識發飛揚之氣則又非稚威仲則所可限也余自
丙寅出京與君不相聞者二十年前年在漢上始知君試合楚南
會君奉尊公諱南旋道出漢上因得相見並得讀別後二十年之
詩溯自漢魏以逮元明詩人之集汗牛充棟大約格律性靈聲調
色澤互為消息鮮有言才力者少陵天寶以後始闢畦徑太白則
以軒軒霞舉之筆張其軍而才力始盛本朝尤盛於乾嘉之際
鞭撻風霆驅走日月噴欲雲霧吐納江海若麗生者可謂極才人
之能事矣余在京師孫古雲為余刊碧城仙館詩多緣情綺麗之

作人以紫鳳目余以白鷹方君謂其風骨迥上也後蓉裳在蜀評
鮑雲詩曰香象渡河評君曰金翅摩海則以上下千古之識盡其
才以江山萬里之助暢其才也然則才人之詩世固未有如麗生
者也今年春余重至楚北君以服闋重試吏楚南道經武昌行將
浮洞庭而南矣嗟乎三楚固文人藪澤也洞庭枉渚屈宋之所行
險也瀟湘雲夢李杜所留連而觴詠也美人香草騷人之遺跡猶
有存焉者乎君在京師距今將三十年海內知己存者不過數人
鄙人亦忝居其一登高懷古歲寄一編天涯比鄰近雖以學道戒
詩不作尙能於江天夜月中醉凭黃鶴一長吟也書此以送其行
卽以爲序錢塘陳文述

序

二

題詞

陳文述

壯如錢塘八月之秋潮奇如石梁千丈之飛瀑利如三尺出匣之
霜鋒銳如百步穿楊之金鏃如將十萬兵橫行不減常開平如斷
千年獄老吏必推虞伯生昔君黃醉長安肆獨向驛壇攀赤幟白
鷹辛苦化雲鵬霜毛雪羽橫金翅迴瀾怒捲奇雲蒸金翅摩海毋
乃厲培風翼以六月息凌霄絕漢終騰騰我亦當年翔紫鳳阿房
何處梧桐種南溟垂翅墮紅塵金翠襍壓雲重琪樹霜凋夜月
寒銅盤露冷春水凍鷁雖空解鳴歸昌玉碎昆山鳳心痛回首同
棲閭闔煙舳稜往事春如夢湘水迢迢漢樹重送君歸舫大江東
得君鐵甕城邊信如聽金山寺裏鐘寄我新詩一千首海雲萬疊
生吾手慷慨悲歌古戰場爲君爛醉蒲桃酒海內驛壇幾輩雲
一

題詞

夢何人吞八九兩點名山在眼前因君更爲憶盈川余以金山方君焦山方子

堅誰吹鶴背仙人簾江水無聲月滿天

梁章鉅

海內詩壇德不孤一軍堅壁樹蜚孤盤胸襟律千秋在落手波瀾
萬派趨名士爲官今代重少年入蜀古人無飛書草檄當時事如
聽高吟擊唾壺集中詩多遊蜀時所作

焦公巖接海門遙記我觀風駐使軺如此山川真壯麗故應人物
未蕭條霜凋秋綠鷹翻野雷坼春紅鸞起潮自愧平生等伯耳鈞
天廣樂震咸韶

楊慶琛

草長鶯飛晴又新琳函貺我豔陽晨邱遲何日分殘錦昌谷居然
有替人一卷丹吞才子篆萬花紅擁宰官身春松秋菊鷺鴻影借

與東阿寫洛神

海水天雲龍氣腥草堂詩夢入瓏玲眼中波浪經三峽腕底風雷走六丁鐘影分來斑竹翠琴聲彈出暮山青湖天明月高吟夜知有湘娥倚瑟聽

姚椿

吧首韓刀幾石弓輪君題筆得豪雄江山攬結歸奇秀人物交遊誓始終萬里放情雲樹外半生琢句馬蹄中古來一語傷心甚詩到窮時底用工

歎我離羣竟索居漸將蹤跡狎樵漁君親兩貢生平諾詩卷空慙涕淚餘五嶽捫胸昔賢在一編持手俗情疎衡門敢望名山業遲爾歸來更讀書

陳均

題詞

二

十年長劍說縱橫抑塞雄心未肯平奇句似雲難攫取明懷如月總孤行伯仁有腹容卿輩顧愷何心學洛生一笑浮雲同黑白本來世事忌分明

不賦窮愁便放顛羈懷終不受人憐好奇未免耽書癖破吝全拋賣賦錢寥落雲霞難托足等閒雞犬亂升天早知真趣難諧俗空費王通論一篇

程恩澤

楚甸風生軫春城斗轉杓青冥來一鶴丹桂舊同僚余與君甲子同年學

拚紛綸井文包遂雅姚霜天五劍立月嶠九霞燒吳夢通輪廖前

身倚太霄長楊空百賦矮屋困三條肯擲封侯筆翻吹乞食簫干

戈淹蜀碧君寄蜀最久曾見風雨散秦貂易借將軍馬難求博士

軺君平甘隱肆高朕許聯鑣寄蜀時曾設講帷顧我餐岷芋無緣識孟椒

占星當有邵焚硯未逢苗余使蜀時與君未相見倏爾揚沙聚欣然捧檄招

鹽車惜駢驥瓦注辱盧泉玉骨嶙峋盡僂髀颯爽飄蓋傾無待熟

盞暖即相邀話到夔門峻余入蜀出蜀皆由雲棲重懷石棧遙登未經夔門故從君問狀

堂拜尊宿年伯錄訪公就義驚代讀風謠君以詩文示首遇揚雲倦情隨伯

雪消清奇偏嫵媚高潔轉和調游獵譚因管崑崙隨爲超承明棄

嚴助葉縣得王喬薄宦傷幽介中年感舊要捲書頻旅館聽鼓似

僧寮客厭雙弓米親聲數斗魚黔湘漸刻楮寒暑倦乘蹕遂枉珠

璣餉如看虎豹跳氣吞雲澤月聲帶海門南君丹徒人欲覓彈冠友先

尋拔俗標引商難答和珥柱歎微么

周樂清

神山毓木難環奇躍晶光廣樂間鐘虞天風吹浪浪啁啾避凡鳥翩然下鳳凰山趙燦陰魄旭影照扶桑騷雅誰作者狂流日汪洋

題詞

三

標榜唐與宋古佛波津梁絕倫而起羣髦也真堂堂編集名海嶽未許人窺量中原振旗鼓虎視而龍驤墨花降天女陋彼時世粧不屑作庸語神力妙恢張莫邪祇寸鍊百鍊藏鋒鏖昔君遊劍閣蜀山迥蒼蒼登臨慨弔古雲物生滄涼懷秋杜陵老策馬干戈場弓衣繡鴛錦弧矢射豺狼羅胸廿二史觸處騰星芒神仙甘小謫一鶴來三湘豪吞雲夢氣時澆塊壘觴衙官羈屈宋淩梁托惠莊吾生有吟癖弱語羞寒螿攜來謝眺句冰雪消枯腸所思不得見鴈迴指衡陽窻衙千里月一縷寒梅香

程尚灝

飛虹飲泉霞氣蒸巨鼇駕山海氣騰三錢鷄毛劍橫脊字向紙上
生觚稜不假風雷助光怪直與河嶽爭才能嚼眩瑩轄大聲發咽
啾細響皆蒼蠅我行物色徧江海如此瑰異得未曾垂天之雲不
可極南溟九萬搏鯢鵬

題詞

四

奇氣逼電盪胸難消角鷹雪色秋空碧寥風逸夢攀斗杓金
翅摩海絳雲在霄仙樵若火丹砂如潮湧日麗春鯨魚戲跳伽陵
飛來仙眞手招我思釣天雅音遠姚
嘉慶強圉赤奮若陽月海雲堂主人識

卷一 古今體詩七十八首

卷二 古今體詩六十三首

卷三 古今體詩四十五首

卷四 古今體詩七十四首

卷五 古今體詩七十四首

卷六 古今體詩六十八首

卷七 古今體詩四十八首

卷八 古今體詩七十七首

海雲堂詩鈔目次

卷九 古今體詩四十八首

卷十 古今體詩四十九首

卷十一 古今體詩七十九首

卷十二 古今體詩四十九首

卷十三 古今體詩五十二首

卷十四 古今體詩九十二首

詞二卷

卷一 五十首

卷二 四十四首

文二卷

海雲堂詩鈔卷一

丹徒嚴學淦生

赤日行

金天氣縮回陽和元冥叱走如寒暄當空赤日照西極燦盡陰魄
愁么磨我瞻義和肅下拜微月地底停纖阿剛輪周馳碾窮陸老
烏眼疾休輕過閃幽獨怕洞深黑煙炬富媼都包羅盪開洪爐潑
大治要煬瘴癘歸消磨火精飛散炙萬里照耀亘古光燄峨

成都謁蜀漢北地王祠

金刀缺折國步屯陽安戎失師巫奔大耳兒生不肖子奇哉北地
眞王孫侍中血戰埋人足何不同心守景谷頓兵不易下堅城白
羽登陣軍尙肅裊毳毼將士從天來可能撻甲從天回劍關當空如
削鐵一夫扼險誰能開姜維帥師倒戈擊吃兒艾艾鋒先摧況當

海雲堂詩鈔卷一

拔刀斫石日士卒壯氣如風雷深溝高壘正長策軍門面縛眞庸
才吁嗟天絕赤帝子不教王主炎劉祀一死難越社稷靈九原悵
抱降王恥同槽三馬來洵洵以賊篡賊將毋同兒孫豚犬亦奪氣
阿瞞如鬼空桌雄

戲作

投筴欲向山靈問聞說空山夏亦涼爲甚出雲天際去東西奔似
熱官忙

客有反自烏斯藏者因述所見

梯空萬丈下危礪險入凌兢熱索橋水上卧蟠吞馬蛭雪中飛起
搏人鵬狗花蠻女鬚頭插簷管番兒信手調一曲長歌軍出塞大
旗風裂影蕭蕭

永作天花雪作城星然火炬雷鳴人盤絕壁饑鷹色風入邊愁

戰鼓聲野哨羣呼秋牧馬蠻煙四起夜屯兵健兒幾斗英雄血弄
過崑崙草亂生

小園

黃入棕杉夕照斜棗欵簾子綠陰遮搖潒水暖山禽浴猶趁春波
戲落花

舟行曉起

山盡鳥飛外微茫白露天岸吞潮勢急雲擁日光圓鳥櫛聞鐘寺
銀鱗撒網船修壘萬竿綠近水欲生煙

下灘

奔猊渴象立復蹲壁削險訝開軍門石出水立勢若拒石入水伏
潛欲吞篙師巧借疾風力不鬥濤頭門濤側水勢稍弱篙力強點
破波心一江黑將出欲出未出時後勁水亦如雄師怒濤橫衝截

海雲堂詩鈔卷一

二

腰擊撇捩鵠首驚斜欹中流刺促不稱意陡轉船頭作船尾下湧
偏由上逆行拍張忽作迴帆勢濤頭百折十丈強一折一盪波飛
霜鏗然鼓枻剡江裂水忽退縮舟昂藏四圍山色盤空紫風激舟
輕轉身駛如馬帆能上下飛騎鯨人踢風雲起篙聲石聲人語聲
聲聲並作轟雷鳴走穿黑罅變驅遁擊起赤電蛟龍行古稱蜀道
難觀此信不易側耳聽灘聲嘈嘈遠猶響一笑人生局促區中囚
有奇不探非壯遊臨風振衣發長嘯山色莽莽波安流

眉州

不辨青蒼色山容化水妍飛來數峯影界破一江天暝樹低殘照
春雲入斷煙眉痕誰擷秀縹緲大義園

舟中

如煙水氣韻于詩也與簾旌一行宜山色夷猶明積翠船牕晴暖

掛遊絲香消茶鼎人初倦花落春衫夢不知滿楊涼雲風翦窮鳥
篷夕照卸帆時

嘉州

人語濤聲滿郡樓萬家排櫓大江頭劃開蠻甸通三水湧出拔峯
壓四州雲雨空濛迷白馬風煙跌蕩下烏牛探奇未蠟登山屐羨
殺坡公載酒遊

急如萬弩勇爭門駭浪中飛一鏡昏塔影倒懸危警動佛光高壓
亂流奔風鳴大壑聲初到水激朝陽氣欲吞沫水青衣交滙處看
他龍門與鯨噴

瀘州

煙暝瀘榔隔浦棧開雲一桁散歸雅山開縹緲千重樹水走龍堆
十萬家小兩涼生烏帽影春風吹淡碧桃花江樓何處尋黃篋掛

得新筇酒便賒

海雲堂詩鈔卷一

三

阻風鄧都登岸作

人如處覆孟雲影淡模糊浪急天吳怒風乾地軸枯奔雲摧石過
驚鳥破空呼洗滌煩襟去高歌擊唾壺
黑壓鬱單宮頽雲走半空地偏人跡少天暗鬼門通霧毒龍嘘日
濤腥鱗門風波光搖不定閃閃漾青紅

忠州石堡寨

哭兀聳孤巒江心十八盤雲容何嶽嶽石骨自珊珊日月雙丸浴
天風萬仞寒峭頭看天矯隱約卧龍蟠
僧爭禽鳥福佛寺建峯頭鑿石支鳩杖裁雲補鹿裘梵聲傳下界
鈴語動高秋決皆臨空澗齊煙豔不收

雲陽廟瀝子灘

似欲與灘戰金聲雜鼓聲人捩飛鳥去舟共大魚爭瘦石截江卧
頽峯當岸橫過來方覺險耳後怪鷄鳴

夔州登白帝城

鐵磨古瓦空垣立蒼磴高盤數百級潮打空城鳴咽流千年猶爲
英雄泣眞人西來乘赤龍投鞭斷水無江東連營兵敗夷陵峽裂
紙魂歸白帝宮紫髯小兒眞鳳賊稱臣俯首甘從逆不思鄴下走
黃旗竟忘去東風燒赤壁師出如君亦有名英雄成敗論休輕王
人未暇誅戎首戰鬼先教哭憤兵火德無光氣蕭索金刀缺折龍
髯落夫婦蟻殘一死酬君臣魚水千秋託堪笑吳兒霸業灰阿蒙
已死阿童來渡江健獍眞何益照水降旗亦可哀怪石如鷹摩戰
壘滅魏吞吳空切齒長山蛇勢捲秋濤八陣圖邊雲怒起

雲安大樹歌

海雲堂詩鈔卷一

四

昂頭半天黑龍攫透瓜入地金龍擎蒼皮黛色獨天矯神物當道
何縱橫雙株拔起空中舞元氣淋漓開太古滿身鱗甲之而搖似
將高飛避斤斧一株石壓勢頗難劈裂大石身高盤根從東生葉
西蔭天爭一握青團圓一株頭若共工銳欲觸天網怒天帝劫火
騰燒百丈強榮生枯死參天際折樹倒樹根四圍不與霜瘦同雲
肥鄧林杖渴拔鬚飲苦綠渴日紅泉飛空山蒼涼屹相對離合神
光影破碎天風激盪大海鳴怪雨琤琮百靈拜知君閱歷春秋多
雌雄雄吟千載過孫枝老盡翻若鐵却笑他株作慈纖腰曼舞猶
傴僂

碣山行

名經教授儒者家生兒竟爲無賴賊朱三朱三爾何人碣山一民
覆唐室黃狐白狐爭跳梁迎鑾碑版何輝煌宮中飲博殿上坐稱

功頌德鵠忙河東閃閃龍一目苦爲唐家逐失鹿太息十萬鴟
兒軍朱三不共黃巢戮告廟先驅負錦囊有人三矢親先王腹心
竟失康延幸辱齒終寒劉守光夜半刀光出南內兒拔翁刀刺翁
背以兒殺翁事可驚以賊殺賊事不悖紆干山頭凍雀空蟄龍血
瀾椒蘭紅洞胸刺又憤一雪單衣繞柱將毋同澤州降鄆州破傳
國重器安在哉豚犬兒郎亦何憐惜乎鐵槍不過時男兒豹死空
留皮

夾案行

國昌削平桂州卒克用力破衝天軍咄哉李氏眞可兒代有雄傑
驚朱温一年取夾案一年破澤鄆一年破甲馳大梁十八男兒能
雪恨大內迎歸事杳然李花落盡更誰憐山河割據英雄起王業
艱難氣數偏只作黃巢餘孽禍討平鼠賊承先志不聞垓下誅重

海雲堂詩鈔卷一

五

瞳義帝兒猶主神器國號不改心可知非若禪位朱三時老奴事
主亦可取唐官自號夫何爲惜哉荒淫歌舞無休暇門鷄小兒損
聲價三箭開基一箭亡亞子空呼李天下胡爲乎眉頭不展懼郭
公河北乃有唐明宗嗚呼郭從謙能作戎首元行欽亦空泉雄

夜坐

鶴先人睡去清絕漏沉沉響寂簾鈎下風微竹院陰月涼花影澹
燈小夜應深漸覺衣裳冷雲來無處尋

橫雲老屋詠古

黃龍飲

忠臣而可爲兮天酬庸古有之郭令公忠臣而不可爲兮天降戮
古有之岳武穆嗚呼如公眞數奇逐鹿苦向中原馳徽欽自是亡
國主臣構亦豈中興安一脈苟非延藝祖生兒浙臉惡能爲識公

者宗忠簡尼公者張德遠秦長脚已叛降金方恨南來殺公晚恨
公不生與國雍熙年一滅奚契丹再平李繼遷席捲燕雲鎮定銀
夏殺宥諸州入圖版鐵桶打就金甌圖竟使封狼貍虎併吞薦食
二百載山河破碎聞啼鶴虛願黃龍痛飲吾悲焉長車不駕賀蘭
走三十功名復何有失意湖山美跨驢埋冤鏡室悲烹狗十二金
牌來三字黑獄開八百兵驚破十萬一死敵喜酬千杯將星如斗
忽墮地不遇眞王空出世

順昌提

暴風忽拔坐帳行此賊兆也主暴兵健兒被甲出渦口順昌一戰
搖東京潑風大雨浩呼洶急雨聲中殺氣湧電止不見人電起聞
刀聲殺賊賊窟電光裏以我殺賊賊盡死殺賊賊驚電過忙以賊
殺賊賊自戕奇哉壯士祇五百一斫三萬金兵強龍虎軍連撈子

海雲堂詩鈔卷一

六

馬壓陣頽雲如解瓦鞭尖欲賜不敢下刀鈍無光萬馬啞風聲鶴
唳驚飛魂白袍重鎧星馳奔中原指顧落吾掌長驅氣欲扶崑崙
嗚呼銷金鍋子金牛窟臣構偷生忘北伐死盡烏頭馬角心拚拋
雪窖水天骨養兵三十年何爲老死屬下英雄悲當風擊碎鐵如
意奪氣威武千熊羆星落城頭摧上將騎箕長嘯歸天上一片靈
旗走武昌三軍淚溢江河壯軍門鉅鹿誰敢當我思壁上觀戰場
百戰必百勝二吳未可方纖兒壞家居吾斥張循王延綬將軍鄂
少保得公開立支巖疆吁咄嗟雍公竊師來采石轉有書生能被
敵

香山粟

馬南寶香山人宋末輸粟勤王詔拜工部侍郎端
慷慨孤臣出海嶠振原飛劍達窮島義士身分將相憂獨有香山
馬南寶高阜山東魏勝旗朱纓鐵甲大刀隨當時未盡長淮斷半

壁江山好護持浩氣難阿颺風止白浪掀天鼓聲死寸心河嶽耳
難磨隻手崑崙扶不起能保障安片土無九龍移帳駐偏隅鐃
交處厓門斷鼇足翻時地軸枯高呼白雁橫江渡雨霧昏昏日西
去目極碣洲君不歸滄波那有招魂處大星飛落陣雲飄怒捲祥
龍半夜潮欲鑿臣心有如水與潮俱長不俱消嗚呼陸秀夫蹈海
身攜六尺孤張世傑斗膽怒張飛碧血箕尾光芒同不滅

夏日望赤甲山

羲和鞭日日行疾千山欲飛峯律卒洪爐燄走絳雲流萬丈光芒
從地出雲安一城大如斗山壓城低如覆佐炎風怒捲赤燄來石
入城飛火亂走山河影衰光熊羆頰玉盤走燕支紅安得倒挽北
斗柄一瀉萬斛銀河東峽壁豐隆勢斬絕土作龜焦壘欲裂白沙
捲雨飛入空頽雲如山壓將折虬枝萬笏鱗甲張疑鑄蛟龍出生

海雲堂詩鈔卷一

七

鐵何必更覽荊州書怪偉惶惑爭崎嶇不知蓬萊方丈在海外仙
居縹緲當何如

雲安大水歌

水天一氣相并包黃牛白馬蹶蹶驕鞠輻輳大地轉立脚以外
皆波濤蛟龍得意上屋坐驅雲呵雨翻江湖居人嵐徙若垤蟻萬
瓦拆盡飛蓬飄疾風射水入水腹吐吟似吼霜蒲半聽疑萬怪此
中門穀洛有聲伊誰挑欲招馮夷點水部且學溫嶠將星燒汪洋
恣肆逞雄怪拔劍欲把鯨鯢梟更呼阮瑀速投檄露布下與蓬山
鼇波臣乃侵赤子地人國澤國爭縋縋王閭所斷越江水漢武射
殺潯陽蛟水犀軍蒙鋒鋒利三千弩勁休藏蛟尾閭放爾有東海
速掣十丈洪濤消令嚴豈以驅鱷律七日不赦期三朝

刀

細瑣吹毛事難將得意鳴雙飛看有影五步不聞聲莫令逢恩怨
休教輕死生退隨襲渤海買憤事春耕

筆

生花都上舌握管可窺天我有江淹夢人云李白仙百城撫不律
萬冢象祁連七寶樓臺好憑君架作椽

明中官王承恩

目不識丁者誰予一網打盡天下士厲氣鬱結愁蒼穹十八孩兒
揭竿起可憐萬歲山前人尺練一白飛青燐誰其從者臣承恩精
靈常護官家魂綱常名教自有真不容概以奄兒倫張承業後千
百載天地又復鍾斯人盜璽說降賊璫耳杜默爾休言臺臺寸鐵
可殺不足污不知紛紛者凡幾地下若逢魏進忠應爲高皇擊其
鬼

海雲堂詩鈔卷一

八

明宮人袁貞娥

百官知守位不知有王事女兒知效忠不在七首利腰間白刃生
寒光胸中赤心攢血淚入賊營強吞聲天不殄首惡副賊命比鴻
毛輕床第間殺氣走合歡杯絕命酒燈光瑩瑩鬼攫人明十六帝
隱其身賊臥帳中賊聲厲刀入賊腹刀有神堂堂復堂堂安輪囷
與巾諸奴折脛鑿腦死厭厭鬼氣弱不振降賊殺賊等死耳男兒
羞殺爲人臣盧尚書孫雁門曹總兵周將軍長槍大戟百戰屈復
折殺賊何從容柔荑三寸鐵

明白川橋乞兒

一瓢棄置勿復道更傍誰家門戶老江流浩浩變古今中有人焉
蕞無蕞土花淚濕青斑痕熱血不許蛟龍吞天地正氣昭然存百
川橋邊鳴咽水百川橋下悲風起淋漓史筆褒忠魂絕後空前誰

得似

題潘蓮巢海門煙雨圖

江水高天脚仄江風來天影黑雲藍翦取尺幅強筆花怒捲秋清涼百靈奔赴出腕底雲垂海立天蒼蒼混茫一氣連無極淋漓亂潑胸中墨但覺煙波瀕洞有無間七十六丈高峯據中立我家南徐傍海門海色盡漾含朝昏瓊瓏地肺萬古濕時有靈氣相吐吞眼前人本畫中住絳綵雪綃拖海素要看風起紫瀾迴放走蛟龍破空去

秋日偶書

秋河捲幔月方移爽氣初登薜荔帷碧蠹紅蟬鄉足老白衣蒼狗事難知不逢文舉休懷刺若繡平原便買絲永翼塵封三尺水鷺鷥花冷蟄蛟螭

海雲堂詩鈔卷一

九

簾底星芒動寶刀燈前痛飲讀離騷仙山樓閣人誰到關塞江湖首自搔放鶴冲天翎不翦叱龍行雨夢猶豪水塘更伐靈鼙鼓看捲罍塘入月濤

擊楫吟

廩給千人布千疋將軍出師誓殺賊大江東流作恨聲悲歌擊斷英雄楫坐使神州竟陸沉中原當日待誰清偏安臣磨如臣搆壯志空聞說祖生一鞭雖著終何益朝朝鷄鳴聲漸逼祇恐鷄聲不再來男兒漸覺頭顱白萬竈鼙鼓聲宿時秋高霜重鼓聲遲東中士族誰同志司馬家兒事可知縱然邊境銷烽燧已負當年渡江意太息刁劉構隙時又增內患憂王事一夜雍邱落大星萬家士女淚飄零孤霸李產歸何速誓死劉琨目未瞑邊書又報河南失誦虜似欺名將歿守冢麒麟代北荒跳梁豺虎中原笑一代英雄

鐵尚書歌

願已違戰戈難借魯陽揮江東縱有招魂處恥化啼鵲帶血歸弓弦鏗鏘夜有聲火光如毬擊鐵鳴韓山一燕飛八月長驅氣欲無堅城城門開出迎駕霹靂聲中蘼粉飛燕王頭顱鐵板下五步以內血湧泉勁卒挽橋橋忽堅金蛇掣空怒飛礮黑壓城摧萬人叫鐵甲叢中一木標大旗倒捲悲風嘶當道卧老獵百獸不敢窺山東縱守徐沛失石城南去無人支矩不殺叔叔殺姪君亡與亡盡吾職鐵人鐵心並鐵膝此膝安能屈向賊精金百鍊難銷鎔火聲烈烈光熊熊枯骸咽強猶背立白骨撐拒紅髓中赤棒夾之使北面膏沸丈餘火狂煽猛燄延燒上賊衣凜凜風雷驅火電擊賊眞爲厲鬼雄勝在東昌慶百戰大臣死節分所當如公最慘亦最剛亂世乃得生忠良嗚呼亂世何必生忠良

海雲堂詩鈔卷一

十

雲峯洞老人歌

我聞黃山三十六峯巔縹緲靈氣通諸天雲峯洞裂九蓮尊有人靦面逢眞仙跣趺寂坐鬚眉古河洛龜龍繪堪觀劍嘯聲驚出匣中國風沃雪蛟龍舞石壁僊屏坐若忘空花過眼問行藏百三十載吹毛去一笑眞如雷火忙條侯百世原同姓霹靂弓彎健兒勁月黑陰山夜踏邊風寒玉帳朝懸印熹烈前朝百戰身兜鍪鐵甲敢橫行男兒萬里封侯罷不學神仙負此生偶過黃海獵留客劍擊斑貓同殺賊勝國如君有幾人長纓縛冠崇朝失笑借幽栖習靜便低眉枯坐似逃禪生平幾網遊山屐捲盡齊州九點煙客來酌爾山中酒今日諸猿爲我壽木落千厓秋氣高長鯨一吸飲何豪醉彈繡鉢新磨劍笑舞圓花舊戰袍電激星搖風五色銀虹駕海垂天白山鬼驚飛薜荔衣纖娥冷蟄蟾蜍魄鞘插龍泉光陸離

鏗然爪甲露之而驚心一具團蒲外繡地斑斕萬虎皮翩然歸臥
懸雙鳥洞口綠苔分半席午夜松聲萬壑濤盪人魂夢瑤晶碧悔
遇洪崖不拍肩雪封大磧水涓涓消磨人海無奇士說向塵寰也
枉然

過點瀕堆

水與論文異愁他未肯平天低浮浪濶石怪怒人行落日千山影
雄風萬馬聲鐵柁工有力慣與大灘爭

過黑石子

萬山屹立爭壓濤濤頭上與山爭高山有鋒稜水有骨山水相搏
聲怒號奔崩千丈飛頑石內象醜犀並怒特沉者不沉浮不浮更
作老黑當道立十里外聞灘聲舟子駕舟如用兵遇大敵勇整以
暇聲色不動神毋驚馮夷爭舟奪舟入舟子拿舟奪舟出結陣如

海雲堂詩鈔卷一

十一

排鷺鵲軍掛帆直走蛟龍窟舟如蓬島鼇龍伯罷釣揚鬚逃水如
強弩末魯縞再穿力亦竭朝宗入海海盡收水大翻嫌海一甌尾
閭萬載泄不盡安得并刀斷急流

雲陽謁張桓侯廟

神靈百代表尊崇虎視虬髯颯爽風自昔屠沽皆傑士誰云兵子
不英雄中興威馬雲臺祀開國縣彭胖土功惆悵新亭空拜爵偏
安王業恨無窮

益州詠古

割險分符半壁雄鴻溝畫界笑重瞳三章未踐秦人約一炬先燒
蜀棧空國士已聞歸間道典王原不假關中章邯董翳成何事又
報西來馬首東
征南旗壓七星橋天倖方知未可邀不假蠻夷稱大長難求書璽

賜新朝河池悔已戕來歙關隴驚聞殄隗囂畢竟蛙空居井底黃
牛白腹霸國消

樓桑瑞適應鸞鳬火德遜傳六伏符北顧中原留正統西來王氣
壓當塗大星郭塢三秋隕九廟神孫一劍孤辛苦蛟龍得雲雨不
徒遺恨失吞吳

關開劍閣想崢嶸談笑庸才事竟成約法七章真定霸流人大郡
早連兵誰家英物偏能博如此江山未許爭東下樓船忽西上由
來天險不難平

滕冷黃袍宿淚斑八都兵燹五溪蠻斬蛇有力緣當路引虎無謀
忽閉關玉璽初除新節鉞煙花頓改舊江山白衣一去秦川道樓
絕唐魂召不還

席捲三川破董璋獨專封拜已稱王但聞削國鼂家令誰是籌邊

海雲堂詩鈔卷一

十二

李贊皇蒲杏飄零悲割據芙蓉閣落怨興亡宮中采盡忘憂草一
曲朝天淚萬行

嘉陵一戰戮三忠行省疲兵不耐攻王孟與圖原草竊孫劉霸業
竟凶終長江襟帶收殘局大海波濤哭寓公誰識鍾山蟠王氣空
勞鐵索鎖巴東

九泥不閉下車廂覆轍寧堪失大昌何事議攻兼議撫信誰誅左
更誅楊五軍僞督三川定萬劫愁魂一箭償嗚咽銅金堤畔水猶
衝夜氣走光芒

送董雲浦達州從軍

南翔征雁一聲催帽影鞭絲首重回山擁百城飛雨過秋騰萬馬
壓風來朱門客路休彈鋏綠酒天涯憶舉杯相對不生離別感黃
金爲爾築高臺

西來寇盜未成禽千帳牙旗戰火沉巴郡終須殲李特石頭非此
報孫歆就孫某高歌橫架聽弄玉大筆磨崖待湧金莫使窮愁
銷壯骨長征好慰倚闌心

春日郊行

錦繡香泥點碧絲嫩晴天氣落燈時一痕煙綰柔荑綠春到垂楊
第幾枝

鴨頭新水盪晴霞雁齒平橋傍淺沙細數落梅風第一二分春試
碧桃花

春暮雜吟寄姚春木

佳辰習靜閉關多篆引爐煙上綠蘿貝葉金函齊屏卻一枝花供
瘦維摩

人在東風穩晝眠曉來微雨破輕煙捲簾一架玲瓏雪消受茶蘼

海雲堂詩鈔卷一

三

四月天

飛殘絮影過楊花叢篠娟娟半榻斜掛起西牕一痕綠滄雲微雨
隔天涯

書巢十尺小於龍帳捲天容養蔚藍草長鶯啼春老去銷魂風景
似江南

魚鱗淺碧盪新醅西子湖波一櫂開綠簫春風無限好遲君筆寫

芋蘿來春木金陵試後將往湖上

彩幡收盡綠牙牌新綠粉紅槍別懷萬里桃花江上水春愁一夜
到秦淮

偶書

不信軍中氣都因健婦揚閃屍驅鬼馬雌霓貫天狼玉鐙翻花疾
金弧控月長深閨羞憶遠無復盼垂楊

血淚三川灑威名百戰空畏屍偏上將短氣獨英雄洗便長河水
悲秋大樹風諸君休玩敵伏莽竟與戎

小園

踏遍蒼苔鳥不知焙茶天氣晚晴時澹雲無意烘斜照一片輕黃
翳柳絲

閨一如丈簪屬將歸作寄春木

全家歸計說南州慰爾離懷莫解愁戰馬尙嘶邊草外秋風先卜
大刀頭寒星曉帳燈前夢遠水吳帆鏡裏舟到日巴山應共話勞
人何處舊封侯

古風呈程息庵先生

我夢遊瑤池忽聽鈞天簫天風從西來碧海聲滔滔振響入無極
疑始應參紫青黃未結撰大寂難鈞撈夫誰搏抗力無待鏗與敲

海雲堂詩鈔卷一

古

爽籟自然發不數英威韶端倪未容測噬吸任所遭一噫走靈怪
百噴飛芒燦神鳥丹山鳴六六揚清颺江河互激盪和應鳴天曹
竭來神情悅一碧穹煙高日月發春麗風雨驚秋騷鯨跋萬里浪
鴻歲千年毛朱霞出天半燦擁扶桑標瓊瑤憂玉珮萬顆星搖搖
量我白玉尺贈我珊瑚條駕我丹頂鶴渡我赤城橋蠕蠕啟羣蟄
下界聲嘈囂屍居氣僵塞鬼母光幽妖怪鴉聽格桀困馬行虛橋
坐并蛙獨樂捧海蜃都澆麓肯不敢立風穴焉能逃揮手一長嘯
電破陰霾消青天何團圓仙之人見招碧奈產靈府瓊芝有斑苗
呼龍耕煙種萬古無枯涸胚胎結神撰無復搜凡半言詮迹象間
嗟爾心徒勞妙旨不易洩扁鵲終須賴弱水三萬丈劈空爲海綯
擬寫綠章奏帝闕何岩巖

秋懷

家世專征向益州登壇爵位冠通侯北平刁斗無驚日上谷旌旗
變色秋鐵馬金戈諸將老炎風朔雪重臣憂籌邊策借匡時急清
嘯劉琨倚戍樓

赤烽西走近咸陽白桿東馳通武昌宿衛銀刀煩擊刺嚴關鐵牡
費周防三秋土馬新屯戍百戰山河舊井疆勞苦諸君膺重寄提
封天險固金湯

勢難赤手斬長鯨七萃驍騰侯射營自有深恩如挾纘誰云眾志
不成城雕青惡少都擐甲務面花門待洗兵征調連年軍帖富白
狼聽奏凱歌聲

戶口凋殘哭少煙流移安撫最當先罷徵閭里夫家布給發司農
少府錢海內頻聞寬大詔天心又卜屢豐年賣刀買犢歸何日
好辦躬耕負郭田

海雲堂詩鈔卷一

五

悼亡

一燈青映夜淒然銷盡柔魂化紫煙千里孤雲飛別鶴五更疎雨
冷啼鴉空窗破鏡無全郭斷瑟遺徽理舊絃吐盡春蠶絲宛轉三
生何處問前緣

乍驚人倚玉闌千瘦影亭亭忍淚看短夢如煙飛弱絮名香小劫
瘞幽蘭百年有骨終同穴一事傷心早蓋棺我本工愁如沈約腰
支漸損帶圍寬

碧絲飄斷篆煙微搖曳春魂灑落暉解佩自尋含去玉開箱頻檢
嫁時衣窺簾月冷愁無主點厓風來聽又稀錦薦游塵重拂拭離
絃忍譜惜分飛

絕句

淒清夜雨度中宵滴損冰荷蠟淚消寒到綠天人影瘦春愁不剪

似芭蕉

水疏一翦秋籬封小圃荒寒失舊容詎淪清泉朝課婢春初綠薺
晚秋菰

壯丹天氣正清和上箔春蠶結繭多辛苦抽絲憐雪蛹桑雲抱綠
煙殘蛾

聽滴銅荷漏點遲香消瑞鴨影蟠螭玉階霜重明如月北斗參橫
夜禮時

主張天氣半陰晴花信風多暮靄生薄暖輕寒誰問訊春衣自檢
到清明

呈吳少甫先生

河聲激色擁旌旗轉運初兼領度支折屐軍門刁斗肅盪胸雲海
棧車馳好攜慶歷文章筆來賦元和盛德詩夜測星躔觀王氣天

海雲堂詩鈔卷一

六

孤入服微消時